

特約撰述 香港新界風土名勝大觀 江山故人

(一二二)

(禁止轉載)

第二章 南部寫真

⑤ 深井

(十二) 寄龍頭

去村居之東百餘步。有天后宮金花廟及真烈祠。三間相連。天后居中。金花真烈分佔其左右。廟貌甚新。蓋重修未久者。倚青龍山而望青山道。前有曠地。竹籬繞植之。內花木。一庭春意。半掩柴門。該村絕勝之處也。天后宮有順德張壽崑所撰並書之門聯曰。德配去霄。永垂恩蔭。坤承無極。廣被昭靈。其內為中庭。光潔異常。廟左懸大鐘。上刻「大清光緒戊子季夏吉旦省港恒興餉渡敬送」。神座伴以聯云。大海茫茫。正無岸無邊。

聲于天。天高靡應。狂風颯颯。是可危可懼。後我后。后來其蘇。金花廟亦有洪鐘一具。乃天后宮所有者。旁鐫「沐恩弟子鄭彩長全家虔具洪鐘一口。奉貯天后宮案前。永遠供奉。嘉慶二十四年仲夏吉日。萬聚爐造」。觀此。該廟之建。或在嘉慶年間。金花真烈兩神。殆後來增奉者也。至光緒十三年丁亥之秋重修之。有碑誌其事。民國廿二年。梁鴻楷鄧煒堂等復捐貲為之重新。今殿宇壯麗。如新建者矣。丁亥重修時所立之碑。題曰。重建白沙灣天后宮碑銘。文云。粵稽天后。坤德維烈。

海宇昭垂。母儀英哲。眉壽配乾。心旌護國。降福華夷。多祐閭閻。萬古蒸嘗。以享以潔。聿修宮宇。神其戾撫。惠我無疆。此邦永祐。以經以營。畫棟綢繡。敬恭神祀。遙觀厥成。土宇峨峨。庇民孔多。釐我土女。來遊來歌。后尸燕傾。嚮格靈呵。今上御丁亥秋吉。凡我官商。咸策羣力。廟貌是新。官牆潤飾。毀瓦悉更。畫壇重拭。時維秋令。鳩工告竣。迨其吉令。神人共慶。其神維何。天之后聖。其地維何。白沙佳境。溯洄曩昔。波臣虐劇。風伯為威。橫題狼籍。土人潛商。莫敢迨遑。

伐彼松柏。剪彼苞桑。是修是葺。草草斯張。今也不然。疊飛煥鮮。朱簾櫺殿。翠仗當筵。一方壯麗。后座華妍。新廟奕奕。膏澤綿綿。俾爾商而致富。俾爾官而喬遷。河之清矣。昔不如今。海之晏矣。神其居歆。勒銘金石。文仿碑陰。千萬斯年。神德垂範。執事有格。神悅人欽。方名附勒。濟濟如林。潯陽香海劉錫棠敬撰。省城正興街泗源劉深高刻字。值理張壽崑陳經民林毓芬等立石。捐款者數百人。合共捐得銀五百五十八兩七錢五分二厘。末署光緒十五年歲次己丑孟春。(未完)

特約撰述 香港新界風土名勝大觀 江山故人

(二二二)

(禁止轉載)

第三章 南部寫真

(十三) 青龍頭

此碑共有兩面。書法端麗。銘亦可誦。今已拆卸。置於一隅。想將隨時日而毀滅矣。然讀此廟碑與廟內一鐘所鐫之字。對於該地名稱。皆曰白沙灣。而不曰青龍頭。豈當時尚未有青龍頭村耶。該廟或為附近村落居民及海上漁人集資所建者矣。榜人習迷信。漁多先禮天后神。獲則歸大酬之。白沙灣去汲水門西北不及一英里。地當鷄踏門與大嶼山東北海面之要衝。往來漁船。多經此處。則天后宮之建也。此輩漁人。與有大力矣。青龍頭居民祇有鍾張羅三姓十餘家。而重修天后宮之值理則為

張陳林梁葉劉等氏。其時該村居民。僅得數家。蓋建廟事者無幾人。由此可知光緒十五年間。青龍頭不若今日之盛。若在嘉慶二十四年。必無此村。故村民落籍至今。僅數十年耳。該廟現為比邱尼所駐。住持壽明。妙參法師弟子也。民國廿一年。自觀音山凌雲寺來。於禮佛誦經之餘。種菜蒔花。度其清閒歲月。至若廟右之貞烈祠。乃奉某氏女者。傳女本良家閨秀。遇賊。逼為娼。投海以殉節。寧死不辱。其屍浮汲水門海面。並有遺書。今已無存。時人義之。葬之於青龍頭之田尾。距村居之西不遠也。由青山道右行。過草叢中。約二十餘碼。即

抵墓地。墓有碑。高三尺餘。碑文紅字。正中題曰。皇清待旌貞女墓。字大逾四寸。書法極佳。深得化度寺碑及孔祭酒碑之神韻。極有翁覃谿(方綱)之書法。是可珍也。碑誌云。同治庚午夏辰。林分尹一鶴書以汪藩參履仁為貞女徵詩啓來。屬淪為納牋之文。淪素不文。焉敢贊詞。然以貞女大節。又不願辭。謹將其大概誌之。貞女姓氏不知。里居莫辨。傳聞墜奸人術。逼作青樓妓。矢志一死。以全其天。遂葬魚腹。於同治庚午六月廿二日。其靈不滅。浮屍於汲水門前。于役諸公。昇於岸旁。謀葬焉。嗚呼。貞女一弱女

工耳。其正氣凜烈。橫亘天地間。有發眉者對之。抱愧多矣。非巾幗中烈丈夫焉能若是哉。茲以同治九年六月廿三日。葬貞女於白沙灣之北。淪再拜為銘。銘曰。光華日月。女之烈兮。志凜霜冰。女之貞兮。既烈且貞。待旌旌令。廣東補用分府鄒淪謹泐。雲員廣東補用巡政廳林一鶴。幫辦廣東補用藩參軍汪履仁。坐辦汲水門洋藥釐務廣東補用分府周書中。幫辦廣東補用縣左堂孫椿國。惠州府歸善縣廩生李德儀等全立。同治九年歲次庚午季夏吉旦。(未完)

昨稿。編纂。誤。編纂。合校正。

特約撰述 香港新界風土名勝大觀 江山故人

(三二二)

(禁止轉載)

第三章 南部寫真

(十三) 奇龍頭

烈女姓氏既詳。其事亦不可稽考。本屬可有可無者。惟新安縣官員既為之葬。又為之立碑。此專當可置信者。無非以貞烈之女。而勵末俗。用正民風。意至善也。新安縣忠孝貞烈之墓。可攷者。有大埔墟之節孝子墓。見新安志及廣府志。又有雙烈墓。古今圖會錄成廣州府部稱。一雙烈墓。游梁二氏屬賊而死。鄉保為之立石。在埔頭石鼓墩。今日之南頭城。節婦坊亦有三數。

封墳遺蹟。迄今猶存。此墓僻處海隅。又未旌表。故不詳於縣志也。然在此蔡萃叢中。碑屹立。遊者偶讀墓誌。見舊時新安官吏之題名。於憑弔烈女之餘。與今昔之感矣。綿田有鄧氏志士祠。奇龍頭有烈女墓。新界忠烈之遺蹟。以此而已(天后宮右鄰之貞烈祠。即後人為此貞女而設。內奉此女之神位。顏曰。一皇清待旌貞節烈女之神位。朝夕香火。該處俗侶管理之也。此村居民多業農。田畝皆在村之西。其地名曰田尾。亦有出海捕魚者。

二三漁艇。泊於白沙灣。風光之趣。略似汀九。村前有福利雜貨店。為全村僅有之商市。此村治安。乃荃灣警署所負責者。設有太平電話。於必要時。報知警署。援者立至。故該村之治安。可無慮也。

(十四) 城門谷

新界山谷。其大者。有沙田。林村。碗窰。城門四處。除城門谷無村落者。其餘皆屬大村。城門昔有數小村落。居者為鄧楊等姓。今鄉氏已遷居八鄉之金錢村矣。城門之名。亦數見於新安志也。其地極廣袤。佔有

大帽山。草山。針山。石梨山之麓。縱橫四五英方里。居城門河之上游。水利最饒。地面高下不一。約在水平線上七百餘英尺。至千餘英尺之間。峭壁斜坡。隨處可見。山凹則有鉛鐵凹。高一千三百餘英尺。通碗窰洞而出大埔墟。波羅凹。高千餘英尺。通葵涌及荃灣。城門凹。高七百餘英尺。通大埔路而往沙田。此三山凹。乃城門谷與外處交通之要隘也。此谷環繞皆大山。實居新界大陸中部而偏於南。西南去荃灣兩英里。東南去沙田三英里耳。

(未完)